

საქართველოს განათლებისა და მეცნიერების
სამინისტრო



ელექტრონული ტენდერის საშუალებით
შენობის გაძლიერება-გამაგრების სამუშაოების (CPV45400000)
შესყიდვის დოკუმენტაცია

ქ. თბილისი
2016 წელი

ინსტრუქცია ტენდერში მონაწილეთათვის

ტენდერში მონაწილეთა მხრიდან სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ინსტრუქცია ასევე შესაძლებელია იხილოთ: <http://procurement.gov.ge>

-)/ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.
-)/ პრეტენდენტის მიერ წარმოდგენილი ყველა დოკუმენტი ან/და ინფორმაცია დამოწმებული უნდა იყოს უფლებამოსილი ან მისი ნდობით აღჭურვილი პირის ხელმოწერითა და ბეჭდით (ასეთის არსებობის შემთხვევაში). (მინდობილობის არსებობის შემთხვევაში აღნიშნული დოკუმენტი ატვირთული უნდა იქნეს ერთიან ელექტრონულ სისტემაში).
-)/ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.
-)/ ტენდერით მოთხოვნილი იქნება გამარჯვებული პრეტენდენტის მხრიდან საკვალიფიკაციო მონაცემების დამადასტურებელი დოკუმენტების წარმოდგენა.
-)/ ტენდერში გამოყენებული იქნება **სატენდერო წინადადების უზრუნველყოფის გარანტია** (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება 160 კალენდარული დღით ტენდერისათვის „წინადადებების მიღება დაწყებული“ სტატუსის მინიჭების ეტაპიდან.
-)/ სატენდერო საფასურის ოდენობა შეადგენს 50 ლარს.
შენიშვნა: ელექტრონული გარანტიის ბენეფიციარი/მიმღები არის სააგენტო. ელექტრონული გარანტიის სააგენტოსთვის წარდგენა და საფასურის გადახდა ხორციელდება სისტემაში არსებული ავტომატური საშუალებების მეშვეობით. ელექტრონული გარანტიისა და საფასურის წარდგენა ხდება ტექნიკური დოკუმენტაციის სისტემაში ატვირთამდე.
-)/ პრეტენდენტს არ აქვს უფლება წარმოადგინოს ალტერნატიული წინადადება.
-)/ ტენდერში გამოყენებული იქნება ხელშეკრულების უზრუნველყოფის საბანკო გარანტია.
-)/ მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის პირობებზე დათანხმება ხდება ერთიან ელექტრონულ სისტემაში შესაბამის ღილაკზე დაჭერით.

სატენდერო დოკუმენტაციის შესახებ დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან: **ნათია მჭავია, ნატალია ბოჭორიშვილი, ნათია ჭიკაძე, მარიამ ფალიაშვილი, ხათუნა სანიკიძე.** ტელ: 2 200 220 (1273, 1274), ელ-ფოსტა: nmzhavia@mes.gov.ge, მისამართი: ქ. თბილისი, უზნაძის ქ. №52, ოთახი 128.

ტექნიკური დავალება

1. შესყიდვის ობიექტია სამინისტროს ადმინისტრაციული კორპუსის საძირკვლების გაძლიერება-გამაგრების სამუშაოები (მრავალწლიანი შესყიდვა საქართველოს ფინანსთა სამინისტროს 03.10.2016წ. N04-02/98380 წერილის საფუძველზე).

შესყიდვის სავარაუდო ღირებულება - 469 853, 00 (ოთხასსამოცდაცხრა ათას რვაასორმოცდაცამეტი) ლარი. მათ შორის:

188 000,00 ლარი - 2016 წლის დაფინანსებით

281 853,00 ლარი - 2017 წლის დაფინანსებით.

დაფინანსების წყაროს წარმოადგენს განათლებისა და მეცნიერების სამინისტროს 2016-2017 წლების ასიგნებები, “განათლებისა და მეცნიერების სფეროში სახელმწიფო პოლიტიკის შემუშავება” (პროგრამული კოდი 320101).

2. სამუშაოს შესრულების პირობები და ვადები

საქართველოს განათლებისა და მეცნიერების სამინისტროს სამსართულიანი შენობა (ქ. თბილისი, დ. უზნაძის ქ. N52) ეროვნული მნიშვნელობის არქიტექტურული ძეგლია (კულტურული მემკვიდრეობის უძრავი ობიექტის/ძეგლის სააღრიცხვო ბარათი N010105272). მისი კედლები საკმაოდ დაზიანებულია, ამიტომ საძირკვლების გამაგრება აუცილებელია. თუმცა გამაგრების პროცესში საჭიროა სიფრთხილე რათა არ დაზიანდეს ძეგლის არქიტექტურული ნაწილები. ამასთან, აღნიშნული შენობის საძირკვლის გამაგრება წარმოადგენს ფარულ სამუშაოებს და არანაირად არ აისახება შენობის ვიზუალურ მხარეზე.

➤ შესასრულებელი სამუშაოს პროექტი, აღწერილობა და ჩამონათვალი იხილეთ თანდართულ ფაილებში.

➤ სატენდერო დოკუმენტაციით გათვალისწინებული სამუშაოები უნდა დასრულდეს ხელშეკრულების გაფორმებიდან 7 (შვიდი) თვის ვადაში. პრეტენდენტის მიერ სამუშაოების შესრულების ვადა მითითებულ უნდა იქნას შესასრულებელი სამუშაოების გეგმა - გრაფიკში, რომელიც პრეტენდენტის მიერ ატვირთულ უნდა იქნას ერთიან ელექტრონულ სისტემაში.

გეგმა-გრაფიკი შედგენილ უნდა იქნას 2016-2017 წლების ბიუჯეტის მოცულობის მიხედვით. ასევე, გათვალისწინებული უნდა იქნას ის გარემოება, რომ სამუშაოების მიმდინარეობისას საქართველოს განათლებისა და მეცნიერების სამინისტროში სამუშაო პროცესი არ შეწყდება.

➤ შესრულებულ სამუშაოებზე უნდა ვრცელდებოდეს საგარანტიო პირობები არანაკლებ 5 (ხუთი) წლის ვადით.

შენიშვნა: მიმწოდებელი ვალდებული იქნება ხელშეკრულებით გათვალისწინებულ საგარანტიო ვადებში, საკუთარი ხარჯებით უზრუნველყოს საგარანტიო პერიოდის განმავლობაში გამოვლენილი ნებისმიერი ნაკლი/ხარვეზის აღმოფხვრა. (შეტყობინების მიღებიდან გონივრულ ვადაში).

- სამუშაოების შესრულების მიმდინარეობისას ყველა გამოყენებული მასალა და მოწყობილობა უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს. მიმწოდებელი ვალდებულია შემსყიდველს მიაწოდოს შესაბამისი სერტიფიკატები სამუშაოს შესრულების პროცესში გამოყენებულ მასალებსა და მოწყობილობებზე (მათი არსებობის შემთხვევაში). შემსყიდველს უფლება აქვს დამატებით, ნებისმიერ დროს მოითხოვოს შესაბამისი სერტიფიკატი.

- პრეტენდენტმა უნდა წარმოადგინოს განსახორციელებელი სამუშაოს ხარჯთაღრიცხვა ელექტრონულ სისტემაში ატვირთული საპროექტო და სახარჯთაღრიცხვო დოკუმენტაციის შესაბამისად.

- სრულყოფილი სამუშაოს ჩატარებისათვის ხარჯთაღრიცხვა უნდა ითვალისწინებდეს ყველა დამატებით (გათვალისწინებელ) სამუშაოს.

- სამუშაოების დროს გამოსაყენებელი ყველა ძირითადი მასალისა და მოწყობილობის (მწარმოებელი ფირმა და მოდელი ასეთის არსებობის შემთხვევაში) ვაჭრობის დამატებითი რაუნდების შედეგად ფასის ცვლილების შემთხვევაში, შემოთავაზებული მასალის შეცვლა სხვა, უფრო დაბალი ხარისხის ანალოგიური საქონლით დაუშვებელია.

- სამუშაოების შესრულების პროცესში გამოყენებული მასალების და მოწყობილობების ტიპი და სხვა მახასიათებლები (ხარისხი, ფაქტურა, ფერი და ა.შ) თანხმდება შემსყიდველთან. იმ შემთხვევაში თუ პრეტენდენტის მიერ წარმოდგენილი მასალა ან/და მოწყობილობა არ შეესაბამება აღიარებულ სტანდარტებს, პრეტენდენტი ვალდებულია საკუთარი ხარჯებით გამოასწოროს და წარმოადგინოს შემსყიდველისათვის მისაღები მასალა, მოწყობილობა.

- განსახორციელებელი სამუშაოს მასშტაბები, მისი დანიშნულება, დეტალური ჩამონათვალი, რეკონსტრუქციის ადგილის აღწერილობა, დეტალური ტექნიკური ნახაზები და სტანდარტები, რომელთა დაცვაც მოეთხოვება სამუშაოს შემსრულებელს სატენდერო დოკუმენტაციასთან ერთად სისტემაში ატვირთული დანართების სახით.
- სამუშაოების დასრულების შემდეგ, საინჟინრო ტექნიკური ექსპერტიზის ჩატარებას (სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა, შესაბამისად აკრედიტებულ ორგანოსთან) უზრუნველყოფს „მიმწოდებელი“. შესასრულებელი სამუშაოების ხელშეკრულების პირობებთან და ვადების შესაბამისობას პროექტის მიმართ, განახორციელებს სამინისტროს წარმომადგენელი - კონტროლის განსახორციელებელი პირი, ხოლო სამუშაოების პროექტთან შესაბამისობის ზედამხედველობას განახორციელებს პროექტის ავტორი.
- სატენდერო ობიექტის სამუშაო ადგილის გამოყოფა „მიმწოდებლის“ მოვალეობაა. „მიმწოდებელი“ პასუხისმგებელია სამუშაოსათვის გამოყოფილი ადგილის გამოყენებაზე და სამუშაოს დასრულების შემდეგ გარემოს საჭირო და სათანადო აღდგენაზე.
- მიმწოდებელი პასუხისმგებელია შეასრულოს სამუშაო უსაფრთხო და ეკოლოგიურად მისაღები გზით და ვალდებულია დაიცვას შემდეგი პირობები:
 - ა) უზრუნველყოს სამუშაო ადგილის ფარგლებში მდებარე ხეების და მწვანე ნარგავების სიცოცხლისუნარიანობა;
 - ბ) მინიმუმამდე დაიყვანოს მუშაობით გამოწვეული ხმაურის, ვიბრაციის და მტვერის გავლენა.
 - გ) სამუშაოების დასრულების შემდეგ მიმწოდებელი თავისი ძალებით და სახსრებით 15 დღის განმავლობაში ვალდებულია გაასუფთავოს სამუშაო ადგილი სამშენებლო მოწყობილობა-დანადგარებისაგან. დროებითი ნაგებობისაგან და ა.შ.
- მუშაობის პროცესში „მიმწოდებელი“ ვალდებულია სამუშაოები შეასრულოს მოქმედი სამშენებლო ნორმებისა და წესების მიხედვით.
- პროექტის ავტორის და ექსპერტიზის დასკვნის საფუძველზე, თუ სამუშაოები შეფასდა წუნით, სამუშაოების დასრულების შესახებ ინფორმაცია მიმწოდებლის მიერ შემსყიდველს გადაეცემა დეფექტების/წუნის (ასეთის არსებობის შემთხვევაში) აღმოფხვრის შემდეგ.

3. აუცილებელი მოთხოვნა

3.1. ტენდერში მონაწილე პრეტენდენტს 2013 წლის 1 იანვრიდან მოცემულ ტენდერში წინადადებების მიღების დასრულების დღემდე, ერთი საანგარიშო წლის განმავლობაში უნდა ჰქონდეს არანაკლებ 500 000 ლარის საერთო ბრუნვა.

3.2 პრეტენდენტს უნდა გააჩნდეს ანალოგიური სამუშაოების მინიმუმ სამწლიანი გამოცდილება. კერძოდ, კულტურული მემკვიდრეობის ძეგლზე წარმოებული სამუშაოების შესრულების გამოცდილება თითო კალენდარულ წელში ერთი პროექტი მაინც. მათ შორის ერთი პროექტის შემადგენელი კომპონენტი უნდა იყოს შენობის საძირკვლის გაძლიერება - გამაგრებითი სამუშაოები.

3.3 ხელშეკრულების შესრულების უზრუნველყოფის მიზნით გამარჯვებულმა პრეტენდენტმა უნდა წარმოადგინოს საბანკო დაწესებულების მიერ გაცემული **ხელშეკრულების უზრუნველყოფის საბანკო გარანტია სახელშეკრულებლო ღირებულების 5% ოდენობით**. თუ მის მიერ დაფიქსირებული საბოლოო ფასი 20%-ით ნაკლებია სავარაუდო ღირებულებაზე, საბანკო გარანტიის ოდენობა უნდა შეადგენდეს ხელშეკრულების ღირებულების 10%-ს. გარანტია წარმოდგენილი უნდა იყოს ხელშეკრულების გაფორმებამდე და მისი მოქმედების ვადა სულ მცირე 30 დღით უნდა აღემატებოდეს ხელშეკრულების დასრულების ვადას.

თეთრ სიაში რეგისტრირებულმა მიმწოდებელმა შემსყიდველ ორგანიზაციას უნდა წარუდგინოს მოთხოვნილი გარანტიის ნახევარი.

3.4 პრეტენდენტმა ხარჯთაღრიცხვა უნდა შეადგინოს და მასში მოცემული პუნქტები განაფასოს საქართველოს ეკონომიკისა და მდგრადი განვითარების მინისტრის 2011 წლის 18 თებერვლის N1-1/251 ბრძანებით დამტკიცებული „საქართველოს ტერიტორიაზე ტექნიკური ზედამხედველობისა და სამშენებლოს სფეროში 1992 წლამდე მოქმედი ნორმების წესების და ტექნიკური რეგულირების სხვა დოკუმენტების გამოყენების შესახებ“ და საქართველოს მთავრობის 2014 წლის 14 იანვრის N55 დადგენილებით დამტკიცებული „ტექნიკური რეგლამენტის - „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის“ შესაბამისად. ერთნაირი დასახელების სამუშაოზე გათვალისწინებული უნდა იყოს ერთნაირი ფასი.

4. ფასები, ანგარიშსწორების პირობები და სამუშაოების მიღების წესი:

4.1 შემოთავაზებული ფასები უნდა მოიცავდეს სამუშაოს შესრულებასთან დაკავშირებულ ყველა ხარჯს და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ

იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.

4.2 სატენდერო წინადადებაში საერთო და ერთეულის ფასი გამოსახული უნდა იყოს ეროვნულ ვალუტაში კანონმდებლობით დადგენილი ყველა გადასახადის ჩათვლით. ზედნადები ხარჯებისა და გეგმიური მოგების ზღვრული პროცენტული მაჩვენებლები უნდა განისაზღვროს საქართველოს მთავრობის 2014 წლის 14 იანვრის N55 დადგენილებით დამტკიცებული - „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესით“ დადგენილი მოთხოვნების შესაბამისად.

4.3 თუ ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო ფასიდან გამომდინარე, ერთეულის ფასები წარმოდგება მრავალნიშნა ათწილადის სახით, გამარჯვებული პრეტენდენტი ვალდებულია ხელშეკრულების გაფორმების მომენტისთვის შეამციროს ერთეულის ფასი და დაამრგვალოს მესაღებამდე, შესაბამისად, შეამციროს საერთო ფასიც.

4.4 პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, შესაძლებელია შესწორდეს დაზუსტების გარეშე, ერთეულის ფასის უპირატესობის პრინციპის გათვალისწინებით, მხოლოდ იმ პირობით თუ აღნიშნული არ აღემატება სისტემის შესაბამის ველში დაფიქსირებულ საბოლოო ფასს.

4.5. ანგარიშსწორება მოხდება უნაღდო ანგარიშსწორებით წესით ლარში.

4.6 ანგარიშსწორება განხორციელდება ეტაპობრივად, მხარეთა უფლებამოსილი წარმომადგენლების მიერ მიღება-ჩაბარების აქტის ხელმოწერიდან არაუგვიანეს 10 (ათი) სამუშაო დღის ვადაში.

4.7. შესრულებულ სამუშაოზე საბოლოო ანგარიშსწორება განხორციელდება დასრულებულ სამუშაოებზე სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა შესაბამისად აკრედიტებული ორგანოს/პირის მიერ გაცემული საექსპერტო დასკვნის საფუძველზე (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამგემი პირის შესაბამისი უფლებამოსილების/აკრედიტაციის დამადასტურებელი დოკუმენტი). დასკვნის წარმოდგენის ვალდებულება ეკისრება მიმწოდებელს. საჭიროების შემთხვევაში დასკვნის დაჩქარებული წესით გაცემის ღირებულებას იხდის მიმწოდებელი. საექსპერტო დასკვნა მიმწოდებელმა უნდა წარმოადგინოს სამუშაოების დასრულებიდან არაუგვიანეს 20 კალენდარულ დღეში.

4.8 შესაძლებელია განხორციელდეს წინასწარი ანგარიშსწორება შემდეგი პირობით: მიმწოდებელმა 2016 წლის 25 დეკემბრამდე შემსყიდველს უნდა წარუდგინოს 188 000,00 ლარის ოდენობის საავანსო საბანკო გარანტია, რომლის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას. საბანკო გარანტია გაცემული უნდა იყოს მხოლოდ საბანკო დაწესებულების მიერ.

შენიშვნა:

0 თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, პრეტენდენტი ვალდებულია დაასაბუთოს ფასწარმოქმნის ადეკვატურობა ექსპერტიზის ან აუდიტორის დასკვნით (შემსყიდველის მოთხოვნიდან არაუგვიანეს 5 სამუშაო დღის ვადაში), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. დასკვნის წარმოდგენის შემთხვევაში, მოქმედი კანონმდებლობის (საქართველოს კანონის „ბუღალტრული აღრიცხვის, ანგარიშგებისა და აუდიტის შესახებ“ 28-ე მუხლი) შესაბამისად წარმოდგენილი უნდა იქნას საექსპერტო ან/და აუდიტორული საქმიანობის განხორციელების უფლების დამადასტურებელი დოკუმენტი (სერტიფიკატი და სხვა).

5. საკვალიფიკაციო მოთხოვნები

5.1. პრეტენდენტმა უნდა წარმოადგინოს:

5.1.1 ცნობა შესაბამისი უფლებამოსილი ორგანოდან ბიუჯეტის წინაშე დავალიანების არარსებობის შესახებ.

5.1.2 ცნობა შესაბამისი უფლებამოსილი ორგანოდან, რომ მის ქონებაზე არ არის დადებული ყადაღა ან/და ხორციელდება საჯაროსამართლებრივი შეზღუდვა.

5.2. საკვალიფიკაციო მოთხოვნები ვრცელდება სუბკონტრაქტორებზე (მათი არსებობის შემთხვევაში).

5.3. სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერის და ელექტრონული ტენდერის ჩატარების წესის“ მე-12 მუხლის მე-15 პუნქტის „ბ“ ქვეპუნქტის თანახმად, საკვალიფიკაციო მონაცემების დამადასტურებელი

დოკუმენტები გაცემულ უნდა იყოს ამ წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს ამ წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

6. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

6.1 **ორგანიზაციის რეკვიზიტები** (ფიზიკურმა პირმა უნდა წარმოადგინოს პირადობის დამადასტურებელი დოკუმენტის ასლი).

6.2 **შესასრულებელი სამუშაოების ხარჯთაღრიცხვა საპროექტო და დეფექტური აქტის მიხედვით** Excel ფორმატში, სატენდერო დოკუმენტაციაში მოცემული ფორმების შესაბამისად. ზედნადები ხარჯებისა და გეგმიური მოგების ზღვრული პროცენტული მაჩვენებლები უნდა განისაზღვროს საქართველოს მთავრობის 2014 წლის 14 იანვრის N55 დადგენილებით დამტკიცებული - „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესით“ - დადგენილი მოთხოვნების შესაბამისად (პრეტენდენტის მიერ წარმოდგენილ ხარჯთაღრიცხვაში დაუშვებელია დეფექტური აქტით განსაზღვრული სამუშაოების დასახელების, განზომილებისა და რაოდენობების ცვლილება);

6.3 სამუშაოების შესრულების **გეგმა-გრაფიკი**;

6.4 ინფორმაცია **საგარანტიო ვადებისა და პირობების შესახებ**.

6.5 **ინფორმაცია** პრეტენდენტის მიერ ანალოგიური სამუშაოების გამოცდილების შესახებ. 2013 წლის 1 იანვრიდან მოცემულ ტენდერში წინადადებების მიღების დასრულების დღემდე კულტურული მემკვიდრეობის ძეგლზე წარმოებული სამუშაოების შესრულების გამოცდილება ყოველ კალენდარულ წელში ერთი პროექტი მაინც, მათ შორის ერთი პროექტი უნდა იყოს შენობის საძირკვლის გაძლიერება - გამაგრებითი სამუშაოები. აღნიშნულის დასტურად, პრეტენდენტმა ელექტრონულ სისტემაში უნდა ატვირთოს ხელშეკრულება და შესაბამისი მიღება-ჩაბარების აქტ(ებ)ი.

6.6 **ინფორმაცია ერთი ფინანსური წლის სახსრების ბრუნვის შესახებ** დადასტურებული შესაბამისი დოკუმენტით. პრეტენდენტის მინიმალური წლიური ბრუნვა უნდა შეადგენდეს მინიმუმ 500 000.00 ლარს (2013 წლიდან წინადადების წარდგენის დღემდე, ერთი წლის ბრუნვა მაინც)

7. სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად ეთანხმება:

7.1 ინფორმაციას ანგარიშსწორების პირობებისა და ვადების შესახებ;

7.2 ინფორმაციას მიწოდების ვადებისა და პირობების შესახებ;

7.3 სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მიანიჭებამდე.

7.4 შესყიდვის ობიექტის მიწოდება განხორციელდება ტექნიკურ დავალებაში მოცემული პირობებით.

ხელშეკრულება

სახელმწიფო შესყიდვის შესახებ № _____

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ქ. თბილისი

“_____“, 2016 წ.

შემსყიდველი: საქართველოს განათლებისა და მეცნიერების სამინისტრო, წარმოდგენილი მინისტრის პირველი მოადგილის ქეთევან ნატრიაშვილის სახით;

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: _____, წარმოდგენილი მისი დირექტორის _____ სახით,

მისამართი: _____

საბანკო რეკვიზიტები: _____

საიდენტიფიკაციო კოდი _____

ერთი მხრივ - შემსყიდველი და მეორე მხრივ - მიმწოდებელი, N SPA----- ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

1.6 „სამუშაო“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანს წარმოადგენს სამინისტროს ადმინისტრაციული კორპუსის საძირკვლების გაძლიერება-გამაგრების სამუშაოების (CPV45400000) შესყიდვა (საპროექტო და სახარჯთაღრიცხვო დოკუმენტაციის შესაბამისად).

3. ხელშეკრულების ჯამური ღირებულება

3.1 ხელშეკრულების ღირებულება შეადგენს _____ (დაზუსტდება ხელშეკრულების გაფორმების მომენტისთვის) ლარს.

3.2 შესყიდვის ობიექტის მახასიათებლები და ერთეულის ფასები მოცემულია ხარჯთაღრიცხვაში, რომელიც წარმოადგენს წინამდებარე ხელშეკრულების განუყოფელ ნაწილს.

3.3 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

5. ანგარიშსწორების ფორმა და ვადები

- 4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2 ანგარიშსწორება განხორციელდება მიმწოდებლის მიერ ფაქტიურად შესრულებული სამუშაოს მიხედვით 2016 წლის ბოლოს და სამუშაოების დასრულების შემდგომ გაფორმებული მიღება-ჩაბარების აქტების ხელმოწერიდან არაუგვიანეს 10 (ათი) სამუშაო დღის ვადაში.
- 4.3 წინასწარი ანგარიშსწორება განხორციელდება შემდეგი პირობით; მიმწოდებელმა 2016 წლის 25 დეკემბრამდე შემსყიდველს უნდა წარუდგინოს საავანსო საბანკო გარანტია 188 000,00 ლარის ოდენობით, რომლის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას. საბანკო გარანტია გაცემული უნდა იყოს მხოლოდ საბანკო დაწესებულების მიერ.
- 4.4 საავანსო გარანტიის დაქვითვა მოხდება ფაქტიურად შესრულებული სამუშაოების შესაბამისად.
- 4.5 შესრულებულ სამუშაოზე საბოლოო ანგარიშსწორება განხორციელდება დასრულებულ სამუშაოებზე სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა შესაბამისად აკრედიტებული ორგანოს/პირის მიერ გაცემული საექსპერტო დასკვნის საფუძველზე (მიმწოდებლის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი). დასკვნის წარმოდგენის ვალდებულება ეკისრება მიმწოდებელს. საჭიროების შემთხვევაში დასკვნის დაჩქარებული წესით გაცემის ღირებულებას იხდის მიმწოდებელი.
- 4.6 დაფინანსების წყარო – საქართველოს განათლებისა და მეცნიერების სამინისტროს 2016 – 2017 წწ. ბიუჯეტი („განათლებისა და მეცნიერების საფეროში სახელმწიფო პოლიტიკის შემუშავება“ (პროგრამული კოდი 32 01 01).

5. შესყიდვის ობიექტის მიღება-ჩაბარების წესი

- 5.1 შესყიდვის ობიექტი ჩაითვლება მიწოდებულად მხოლოდ საბოლოო მიღება-ჩაბარების აქტის გაფორმების შემდეგ.
- 5.2 მიღება-ჩაბარების აქტის გაფორმების საფუძველია საექსპერტო დასკვნა, მიმწოდებლის მიერ ფაქტიურად შესრულებული სამუშაოს შესახებ შედგენილი ფორმა N2, ფორმა N3, ფარული სამუშაოების აქტები (ასეთის არსებობის შემთხვევაში), ტექნიკური ზედამხედველისა და პროექტის ავტორის შესაბამისი დასკვნა და კონტროლის განმახორციელებელი პირის მიერ შედგენილი წერილობითი დოკუმენტი.
- 5.3 შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს ----- (დაზუსტდება ხელშეკრულების გაფორმების მომენტისთვის).

6. შესყიდვის ობიექტის მიწოდების პირობები, ვადები და ადგილი

- 6.1 შესყიდვის ობიექტის მიწოდება განხორციელდება ხელშეკრულების გაფორმებიდან 7 (შვიდი) თვის ვადაში.
- 6.2 შესყიდვის ობიექტის მიწოდების ადგილია: ქ. თბილისი, დ. უზნაძის №52, (საქართველოს განათლებისა და მეცნიერების სამინისტროს ადმინისტრაციული შენობა).

7. მხარეთა უფლება-მოვალეობები

- 7.1. მიმწოდებელი ვალდებულია დაიცვას შემდეგი პირობები:
- 7.1.1 შესრულებული სამუშაოების დროს გამოყენებული მასალები და შესრულებული სამუშაო უნდა იყოს მაღალი ხარისხის და უნდა შეესაბამებოდეს ამ სფეროში აღიარებულ სტანდარტებს და სატენდერო დოკუმენტაციით მოთხოვნილ ნორმებს.
- 7.1.2 შემსყიდველის მოთხოვნის შემთხვევაში, მიმწოდებელი ვალდებული იქნება - სამუშაოების შესრულების პროცესში, ნებისმიერი მასალის გამოყენებამდე მიაწოდოს მასალის ნიმუში შემსყიდველს.
- 7.1.3 მუშაობის პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმებისა და წესების მიხედვით, მინიმუმამდე დაიყვანოს მუშაობით გამოწვეული ხმაურის, ვიბრაციის და მტკერის გავლენა.
- 7.1.4 მიმწოდებელმა უნდა უზრუნველყოს სამუშაოთა დასრულების შემდგომ ობიექტის დასუფთავება.
- 7.1.5 შემსყიდველს მიაწოდოს ხელშეკრულებაში მითითებული სამუშაო წინამდებარე ხელშეკრულებით გათვალისწინებულ ვადაში.
- 7.1.6 სამუშაოების წარმოების პროცესში რაიმეს დაზიანების/განადგურების/მწყობრიდან გამოსვლის შემთხვევაში, მიმწოდებელი ვალდებულია საკუთარი ხარჯებით უზრუნველყოს მისი გამოსწორება ან ახლით (იგივე ან უკეთესი მახასიათებლების მქონე) შეცვლა 10 (ათი) სამუშაო დღის ვადაში.
- 7.1.7 მიმწოდებელი ვალდებულია 2 დღით ადრე წერილობით შეატყობინოს შემსყიდველს ფარული სამუშაოების დაწყების შესახებ.
- 7.1.8 მიმწოდებელი ვალდებულია შესრულებულ სამუშაოზე წარმოადგინოს ფორმა N2, ფორმა N3 და ორმხრივად ხელმოწერილი ფარული სამუშაოს აქტი (ასეთის არსებობის შემთხვევაში).

7.2 მიმწოდებელი პასუხისმგებელია შესრულებული სამუშაოს ხარისხსა და დროულობაზე.

7.3 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

7.4 შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

8. ხელშეკრულების შესრულების კონტროლი

8.1 მიმწოდებლის მიერ ხელშეკრულებით გათვალისწინებული შესყიდვის ობიექტის შემსყიდველისათვის მიწოდებისას კონტროლის განმახორციელებელი პირები ამოწმებს და შესაბამისი კონტროლის აქტით ადასტურებს შესყიდვის ობიექტის ხელშეკრულების პირობებთან და ვადების შესაბამისობას შემსყიდველის მოთხოვნებთან.

8.2 ფარულ სამუშაოებს დაესწრება და შესაბამისად ფარული სამუშაოების აქტს ხელს მოაწერს (დაზუსტდება ხელშეკრულების გაფორმებისას).

8.3 ხელშეკრულების 9.1 პუნქტით გათვალისწინებულ კონტროლს განახორციელებს ----- (დაზუსტდება ხელშეკრულების გაფორმების მომენტისთვის).

9. საგარანტიო პირობები

9.1 მიმწოდებლის მიერ განხორციელებულ სამუშაოებზე ვრცელდება გარანტია არანაკლებ 5 (ხუთი) წლის ვადით. (ან დაზუსტდება ხელშეკრულების გაფორმებისას).

9.2 მიმწოდებელი ვალდებულია საგარანტიო ვადის განმავლობაში, ექსპლუატაციის ნორმების დაცვის შემთხვევაში, საკუთარი ხარჯებით აღმოფხვრას ექსპლუატაციის პროცესში გამოვლენილი ნებისმიერი ხარვეზი/წუნი, საჭიროების შემთხვევაში უზრუნველყოს ხარვეზით განხორციელებული სამუშაოს შეცვლა ახლით, ხარვეზის/წუნის გამოვლენიდან გონივრულ ვადაში.

10. ხელშეკრულების პირობების შეუსრულებლობა

10.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულებების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ის ოდენობით.

10.2 მიმწოდებლის მიერ ხელშეკრულებით ნაკისრი ვალდებულების არაჯეროვანი შესრულების ან/და შეუსრულებლობის შემთხვევაში მას დაეკისრება პირგასამტეხლოს გადახდა ხელშეკრულების ღირებულების 5%-ის ოდენობით.

10.3 ხელშეკრულებით ნაკისრი ვალდებულებების ხარვეზით შესრულების შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 3%-ის ოდენობით.

10.4 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 30 კალენდარული დღით, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ პუნქტის 10.2 ქვეპუნქტით გათვალისწინებული პირობები.

10.5 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 თვის ვადისა.

11. ხელშეკრულებაში ცვლილებების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.4 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. ფორს-მაჟორი

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

15. ხელშეკრულების მოქმედების ვადა

15.1 ხელშეკრულება ძალაში შედის მისი ხელმოწერის დღიდან და მოქმედებს 2017 წლის ----- ჩათვლით, მხარეთა მიერ ნაკისრი ვალდებულებების სრულად შესრულებამდე.

15.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

16. ზოგადი დებულებები

16.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

16.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

16.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

16.4 ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

შემსყიდველის მხრიდან:

მიმწოდებლის მხრიდან: